

Møteprotokoll

Utval: Nærøyfjorden verneområdestyre
Møtestad: Teams
Dato: 15.03.2021
Tidspunkt: 10:00 – 11:00

Følgjande faste medlemmar møtte:

Namn	Funksjon	Representerer
Trygve Skjerdal	Leiar	Aurland kommune
Audun Mo	Nestleiar	Lærdal kommune
Bjørg Djukastein	Medlem	Voss herad
Marta Sofie Vange	Medlem	Vik kommune

Følgjande medlemmar meldte forfall:

Namn	Funksjon	Representerer
Gunn Åmdal Mongstad	Medlem	Vestland fylkeskommune

Følgjande varamedlemmar møtte:

Namn	Møtte for	Representerer
Noralv Distad	Gunn Åmdal Mongstad	Vestland fylkeskommune

Frå administrasjonen møtte:

Namn	Stilling
Anbjørg Nornes	Verneområdeforvaltar
Jorunn Vallestad	Verneområdeforvaltar

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Saksliste

Utvals-saksnr	Innhald	Lukka	Arkiv-saksnr
ST 17/21	Godkjenning av innkalling og dagsorden		
ST 18/21	Val av styremedlem til å skrive under protokollen		
ST 19/21	Orienterings- drøftings- og referatsaker <ul style="list-style-type: none">- Evalueringsrapport forvaltningsordninga- Utlysing av skjøtselsarbeid- Gondol i Flåm		
RS 8/21	Uttale frå Nærøyfjorden verneområdestyre - planoppstart detaljregulering - flaumløp E16 Hylland, Aurland kommune		2021/3621
RS 9/21	Rapport - lågflyfning og landing - Nærøyfjorden landskapsvernområde - utsetting av grunder i vernede områder som tiltak mot CWD		2019/10152
ST 20/21	Delegerte saker		
DS 3/21	Delegert vedtak - Nærøyfjorden landskapsvernområde - motorferdsel - snøskuter - Tørva - Øystein Utne		2021/2568
DS 4/21	Bleia-Storebotnen landskapsvernområde - motorferdsel - drone	X	2021/3396
ST 21/21	Saksframlegg - Nærøyfjorden landskapsvernområde - Brekkefossen - Hildagroi - traktorløype - Brekke gard		2021/3400
ST 22/21	Nærøyfjorden verneområdestyre - uttale - planprogram for Nærøyfjorden næringskai - Gudvangen		2021/2399
ST 23/21	Saksframlegg - Nærøyfjorden landskapsvernområde - Linhella - kraftforautomat for killingar		2021/1568
ST 24/21	Nærøyfjorden landskapsvernområde - Stalheimskleiva - midlertidig anleggsveg		2021/3953
ST 25/21	Nærøyfjorden landskapsvernområde - Skalmenes - gjenreising av uteløe		2021/1808

ST 17/21 Godkjenning av innkalling og dagsorden

Saksprotokoll i Nærøyfjorden verneområdestyre - 15.03.2021

Vedtak

Innkalling og dagsorden vart godkjent.

ST 18/21 Val av styremedlem til å skrive under protokollen

Saksprotokoll i Nærøyfjorden verneområdestyre - 15.03.2021

Vedtak

Bjørg Djukastein vart vald til å skrive under protokollen saman med styreleiar Tryge Skjerdal. Protokollen skal godkjennast elektronisk på e-post.

ST 19/21 Orienterings- drøftings- og referatsaker

Saksprotokoll i Nærøyfjorden verneområdestyre - 15.03.2021

Handsaming i møte

Forvaltar la fram nokon av hovudfunna i rapporten Evaluering av forvaltningsordning for nasjonalparker og andre store verneområde. Styret ynskjer å ta opp nokon av temaa i rapporten på eit seinare styremøte. Dette gjeld mellom anna forholdet til rådgjevande utval og korleis dei betre kan involverast i arbeidet.

Vedtak

Orienterings- og referatsaker vart tatt til orientering.

RS 8/21 Uttale frå Nærøyfjorden verneområdestyre - planoppstart detaljregulering - flaumløp E16 Hylland, Aurland kommune

RS 9/21 Rapport - lågflyfning og landing - Nærøyfjorden landskapsvernområde - utsetting av grinder i vernede områder som tiltak mot CWD

ST 20/21 Delegerte saker

Saksprotokoll i Nærøyfjorden verneområdestyre - 15.03.2021

Vedtak

Delegerte saker vart tatt til orientering.

DS 3/21 Delegert vedtak - Nærøyfjorden landskapsvernområde - motorferdsel - snøskuter - Tørva - Øystein Utne

DS 4/21 Bleia-Storebotnen landskapsvernområde - motorferdsel - drone

ST 21/21 Saksframlegg - Nærøyfjorden landskapsvernområde - Brekkefossen - Hildagroï - traktorløype - Brekke gard

Saksprotokoll i Nærøyfjorden verneområdestyre - 15.03.2021

Handsaming i møte

Vedtak i samsvar med innstilling frå forvaltar.

Vedtak

Brekke gard v/ Siver Wangen får løyve til tilrettelegging av ei enkel traktorløype mellom Brekkefossen og Hildagroï, sør for Brekkefossen for bruk ved uttak av ved og i samband med beite. Løyve er gjeve med heimel i verneforskrifta for Nærøyfjorden landskapsvernområde § 3, punkt 1.3 d), og gjeld med fylgjande vilkår:

- Rydding og sletting av terrenget skal avgrensast til det som er naudsynt for å komme fram med ein traktor.
- Traktorløypa skal leggast som vist på kartet, slik at den er minst mogleg synleg i terrenget og i god avstand frå turstien til Brekkefossen.
- Det skal ikkje tilførast masse for å jamne ut løypa.
- Det skal berre køyrast på traktorløypa i samband med uttak av ved og rydding av beite. Traktorløypa skal ikkje brukast til persontransport.
- Køyring på løypa for hogst og uttak av ved skal som hovudregel skje på vinterføre.
- Traktorløypa kan nyttast inntil 4 år til rydding av beite, uttak av ved og liknande, deretter skal løypa få gro att naturleg.

ST 22/21 Nærøyfjorden verneområdestyre - uttale - planprogram for Nærøyfjorden næringskai - Gudvangen

Saksprotokoll i Nærøyfjorden verneområdestyre - 15.03.2021

Handsaming i møte

Vedtak i samsvar med innstilling frå forvaltar.

Vedtak

Vurderinga i saka vert sendt som Nærøyfjorden verneområdestyre sin uttale til planprogrammet.

ST 23/21 Saksframlegg - Nærøyfjorden landskapsvernområde - Linhella - kraftforautomat for killingar

Saksprotokoll i Nærøyfjorden verneområdestyre - 15.03.2021

Handsaming i møtet

Vedtak i samsvar med innstilling frå forvaltar.

Vedtak

Nærøyfjorden verneområdestyre gjev Stig Arne Borlaug løyve til enkel tilrettelegging for å kunne plassere ein kraftforautomat på Linhella ved Nærøyfjorden. Løyvet er gjeve med heimel i verneforskrifta for Nærøyfjorden landskapsvernområde § 3 punkt 1.3 b).

Løyvet gjeld med fylgjande vilkår:

- Det kan byggast opp ein støttemur i stein, slik at det er mogleg å lage til eit relativt flatt området på 2-3 meter i diameter. Steinmuren skal ikkje vere høgre eller lenger enn det som er nødvendig for å plassere kraftforautomaten på ein slik måte at killingane kjem til.
- Muren skal murast opp for hand, og det skal berre brukast boltar i fjellet dersom det er absolutt nødvendig for å få muren til å ligge.
- Ovanfor kraftforautomaten kan det, viss nødvendig, settast opp ein enkel, låg Sognemur (plankegjerdje), maks ein meter høg, for å beskytte automaten mot nedfall av stein.
- Murane skal fjernast og terrenget tilbakeførast til opphavleg stand når det ikkje lenger er behov for kraftforautomaten.

ST 24/21 Nærøyfjorden landskapsvernområde - Stalheimskleiva - midlertidig anleggsveg

Saksprotokoll i Nærøyfjorden verneområdestyre - 15.03.2021

Handsaming i møtet

Vedtak i samsvar med innstilling frå forvaltar.

Vedtak

Nærøyfjorden verneområdestyre gjev Statens vegvesen dispensasjon til å byggja ein midlertidig anleggsveg i Stalheimskleiva. Dispensasjonen er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrste ledd og fyrste alternativ.

Løyvet er gjeve med fylgjande vilkår:

- Anleggsvegen skal byggjast på oppsida av innermur nedst i Stalheimskleiva. Vegen kan vera ca. 80 meter lang, og med ei vegfylling på inntil 4 meter breidde.

- Det kan nyttast sprengstein og murstein i vegfyllinga. Det skal ikkje køyrast til jordmassar frå område utanfor Stalheim. For å skjerma terrenget skal det leggjast granbar i botn av fyllinga, og det skal leggjast fiberduk mot innermur.
- Ved opprydding etter anleggsvegen skal alle spor fjernast, og terrenget skal tilbakeførast til den stand det var før vegen vart bygd.
- Anleggsvegen skal vera rydda og fjerna etter 3 år, og seinast innan 01.10.2023.
- Det skal ikkje ligge att lagra massar og restar frå vegfylling i verneområdet etter at anleggsperioden er ferdig.
- Når arbeidet er ferdig, skal det sendast inn dokumentasjon som viser opprydding etter anleggsvegen.

ST 25/21 Nærøyfjorden landskapsvernområde - Skalmenes - gjenreising av uteløe

Saksprotokoll i Nærøyfjorden verneområdestyre - 15.03.2021

Handsaming i møtet

Vedtak i samsvar med innstilling frå forvaltar.

Vedtak

Nærøyfjorden verneområdestyre gjev Bjørn Henning Hov løyve til å bygge opp att uteløa på Skalmenes, gnr. 58, bnr. 1. Løyvet er gjeve med heimel i verneforskrifta for Nærøyfjorden landskapsvernområde § 3 punkt 1.3 b).

Løyvet gjeld med fylgjande vilkår:

- Uteløa skal byggast som den gamle uteløa. Det skal nyttast same type bygningsmateriale og same byggemetode som den gamle uteløa. Løa skal setjast opp att etter tradisjonell byggemetode i dette området.
- Før arbeidet vert sett i gang skal tiltakshavar ta kontakt med kvalifisert handverkar slik at det vert gjort ein grundig dokumentasjon av utløa og for ein vurdering av vidare framgangsmåte i restaureringsprosjektet.
- Utvendige mål på grunnflata til uteløa skal vera ca. 4,2 meter breidde og ca. 7,1 meter lengde.
- Grunnmurane i uteløa skal restaurerast, og materiale og takplater frå det gamle bygget skal nyttast opp att så langt det er mogleg.
- Uteløa skal nyttast som ei uteløe. Eventuell anna bruk av bygget skal ikkje føra til endring av ytre fasade på bygget.
- Dersom arbeidet ikkje har starta opp innan tre år frå vedtaksdato, må det søkjast om nytt løyve til tiltaket.
- Det skal sendast rapport med bilde frå ferdig bygg. Verneområdestyret skal vera med på sluttsynfaring på bygget før det vert ferdiggodkjent.

Dette løyvet er berre behandla etter verneforskrifta.

Tiltakshavar har plikt til å vise varsemd og til straks å melde frå til Vestland fylkeskommune ved kulturavdelinga dersom det under arbeid vert støytt på automatisk freda kulturminne jf. lov om kulturminne § 8, 2. ledd.